

Landesbibliothek Oldenburg

Digitalisierung von Drucken

**Henr. Ioh. Nepom. Crantz S.C.A. Maiestat. Consiliar.
Institut. Med. Et Mater. Medic. Vindob. Profes. Pub. Ord.
Acad. Imp. Nat. Curios. Et Societ. Botan. Flor. Sodal.
Materiæ Medicæ Et Chirurgicæ ...**

Crantz, Heinrich Johann Nepomuk

[Wien], 1765

Classis Quinta. Venenorum Drasticorum.

urn:nbn:de:gbv:45:1-10196

CLASSIS QUINTA.

V E N E N O R U M

DRASTICORUM.

AES seu CUPRUM *Offic. Mineralogorum.*
 Ordo Metallorum post ignitionem liquefcen-
 tium W. *German.* Kupfer. *Gallis* Cuivre.
Anglis Copper.

CUPRUM *metallum est imperfectum coloris rubri,*
sonorum, ferro mollius, admodum ductile, in omni-
bis fere menftris folubile, in aere, aqua, fpiritibus,
fuccis, oleis preffis, quale memorabile exemplum Cl.
MONTET Acad. des Sciences 1750. ut viride æris ob-
tinuerit; patet etiam oleis ftillatitiis, falibus alcalinis,
acidis, & mediis, ut non immerito chemicis venus di-
catur. Inter omnia tamen menftria, quod præfentiam
cupri indicet nullum est, quam fal alcalinum volatile
cum aère agens; experimentum attentione dignum est,
fi limaturæ æris phialæ inditæ superfundatur ad pleni-
tinem fpiritus falis ammoniaci, vafque claudatur, fpi-
ritum nullo colore infici, aperto vafe, demptaque fpi-
ritus aliqua portione, reliquam maffam illico cærulefce-
re; aliud phænomenon itidem fatis curiofum est, cu-
prum acido folutum præcipitari falibus alcalinis exigua
quantitate additis, maxima minime. Ratio adeo evi-
dens, ut dici non debeat.

Inter reliqua vero metalla ferrum & cuprum hoc ha-
 bent, quod dum una pars limaturæ horum, cum dua-
 bus falis ammoniaci mifcetur, & igne urgetur, ut in
 con-

confectione florum falis ammoniaci martialium, & entis veneris obvenit, una saltem, licet minima falis ammoniaci portio in spiritum fugacem, & causticum falis ammoniaci concedat, ut addita calce solet; ratio genuina non satis laudando MEYERS dicta est, dum VOGELIUS solum phænomenon recenseret, nec rationem indigaret. Cæterum inter manus tritum cuprum etiam odorum, & sapidum est, præ aliis metallis maxime fœnorum, post aurum & argentum maxime ductile & malleabile, quod sub aqua bilance hydrostatica ponderatum nonam fere sui ponderis partem amittat.

PRINCIPIA sunt

1. Vitrescibilis brunno-rubra terra, specifica cupri vocata: convictio est in experimento speculi ustorii solaris.
2. Phlogiston. Calx æris addito phlogisto in verum æs resuscitata documento est.
3. Principium mercuriale, quod hydrargyrum ex hoc semper elicatum, multi statuunt, an evictum?

Venenata vi infame ab usu medico semper remotum fuit: Artifices hoc metallum tractantes asthma, phthi si obnoxii deprehenduntur, quin in usus domesticos vasa ex cupro confecta stanno obducuntur, ne adeo facile solubilis salibus venus rodatur, noxiaque evadat. Horrendas ab hac strages omnes recensent: postremo damnavit QUELMALZ, & novissime eius noxas narrat COSNIER *Recueil periodique* T. III. & demonstravit Cl. TRAVIS cuprea vasa præcipuam in navibus scorbuti causam existere, licet vasis cupreis utentes metu liberare iam voluerit LEMERY *Acad. des Sciences*, tum nuper Cl. ELLER *Acad. de Berlin*.

F 5

Etiam

Etiam rasuram cupri ad grana decem panis frustulo, cui butyrum esset illinitum, inspersam, & per tres continuos dies assumptam in morfu canum rabidorum, hydrophobiam arcere absque noxiis symptomatibus medicamenti, vidit *Cl. COTHENIUS*, dummodo læsio ante tres horas accidisset.

Ex supra Adeptos efficacissima remedia parasse *Illust. L. B. van SWIETEN* asserit, artemque solam in eo esse, ut quodam menstruo, vel peculiari encheiresi, educatur ex cupro medicamentum, quod emeticum non fit, valide tamen corpus commoveat. Recenset talia in chemia *BOERHAAVE*, recensent & alii. Dum granum vitrioli Cupri in uncia media aquæ solutum per nares attraheretur, infecta, in sinibus frontalibus nidulantia dolores sævos, & vertiginem molestissimam producentia, enecta, & expulsa fuisse, vidit *L. B. van SWIETEN Comment. T. IV.*

Ens veneris *BOYLEI*, sunt flores salis ammoniaci venerei, seu sulphur anodynum vitrioli. Tincturam veneris cum sale alcalino factam summe aperientem, & diureticam, a guttis tribus ad viginti quatuor in oxymelle exhibitam, hydropicum curasse, *NEUMANN*, etiam externe adhibendam in gonorrhœa, cum præcautionibus infallibilem, *QUINCY*.

PRÆPARATA sunt

CALX ÆRIS seu **CALX VENERIS** vel **CROCUS**, est æs in calcem metallicam, vel in furno reverberii simpliciter, vel adiumento sulphuris, vitrioli, salis marini, in crucibulo magno igne exustum.

USUS

USUS internus, licet DIOSCORIDI laudatus, suspectus: externus ad reprimendam luxuriantem carnem, ad absumendos fistularum callos, ad stringendum plorans ulcus, adiectis aliis slipticis utilis, & forma unguenti commodus.

AERUGO calx est æris per acidum vegetabile corrosi, atque hæc factitia est; est enim & nativa alia, cuius non satis cognitum menstruum sit.

USUS externus idem escharoticus ingreditur unguentum ægyptiacum, viride apostolorum, Felic. Wurttzii: sed etiam contra luem veneream laudatam æruginem inuenio in *Ephemeridibus* N. C. *Centur.* VI. Fit ex ærugine, improprie dicta *ærugo destillata*, seu sal veneris, dum ærugo soluta, inspissata, ad crySTALLISANDUM reponitur. Ex his crySTALLIS spiritus æruginis seu *acetum esurinum* destillatur, particulis venereis, quod sedimentum demonstrat, dives, miris laudibus elatum, etiam contra epilepsiam laudatum in *Dispensatorio Brandenburg.* Sunt adhuc *flores æris*, *squamma æris*, *æs granulatum*, hodie haud usitata præparata.

AQUÆ CUPREÆ per se venenatæ sunt.

ANTIMONIUM seu STIBIUM *Off. Mineralogicæ* Classis Naturalis Minerarum. Ordo semimetallorum. *Germ.* Spießglas. *Gallis* Antimoine. *Anglis* Antimony.

STIBIUM fibris capillaribus separatis, semimetal- lum est friabile, ponderosum, igne volatile, rapax; factitium omne est, quod in usus nostros adhibetur, licet & naturale sit. Quod vitrum largitur pallide flaves- cens, non hyacinthinum, ferro mixtum est, quale hodie

hodie ex Arvennia habetur, *Cl. GEOFFROY Acad. des Sciences 1751.*

PRINCIPIA. I. Sulphur. II. Pars metallica regulina: Primum quidem, quod prunis inspersum antimonium odorem, & flammam sulphuris communis præbeat: in aqua regis solutum verum sulphur exhibeat: combustum spiritum largiatur acidum, spiritui sulphuris per campanam simillimum, *Acad. des Sciences*, tum quod sulphur vulgare regulo additum in fusione iterum regeneret antimonium, satis superque demonstratum habetur. Verum sulphur hoc a vulgari sulphure vix diversum est, *BOERHAAVE. HOFFMANN. GEOFFROY.*

Alterum principium regulus ostendit. Sed adhuc ipse regulus suo gaudet sulphure metallico, quo si in integrum spoliatur, iners, non amplius virulentus est, actuandus tamen de novo addito phlogisto, & adeo virulentum & emeticum iam constituens pharmacum, quam ille, qui nunquam calcinatus fuit. Est hoc phlogiston, quod regulum facit, antimonio malleabilitatem tollit, & eius naturam velat. Quodnam metallum regulum Antimonii constituat? huc usque dici non potuit.

Calcinatus lente solari antimonii regulus pondere augetur *Acad. des Sciences 1666.* etiam augetur igne chemico, *Cl. GMELIN in Actis Petropol. T. V.* ita tamen, ut ultimo dubitet *IDEM.* Sed etiam in diversis operationibus pondus diversum est, *Cl. SECONDAT. Obser. de physique Et d' Histoire Naturelle.* Quæ sita phænomeni ratio est, nondum inventa. In balance hydrostatica se habent gravitates specificæ aquæ, & reguli

guli antimonii non calcinati, ut 1000 ad 6200. aquæ & reguli calcinati, ut 1000. ad 4428. hinc gravitates specificæ reguli non calcinati, & calcinati, ut 6200. ad 4428. IDEM. Verum etiam aliis phænomena diversa visa: antimonio igni exposito solemne est decrementum pati. Cl. VOGEL in programmate *de incremento ponderis corporum calcinatorum Goettingæ 1753.* Repetenda experimenta sunt.

Sed estne antimonium crudum venenatum? purum ustulatum alii odorem non habet, HUXHAM. Antimonii crudi pulvere, se se rheumatismo, & quartana liberavit KUNKELIUS, in paralyfi, podagra, fluore albo, scabie, hodie alii feliciter exhibent, & in doloribus rheumathicis, arthriticis ischiadicis, scorbuticis, antimonii effectus miratur Clar. COHAUSEN, & vidit HEINSENIUS *Nov. Act. Acad. N. C. Vol. I.* Contra scabiem suam, & cancrum armentorum, farinæ hordei remixtum, linguæ impositum, & loco affecto applicatum PROMPTUAR. HAMBURG. T. X. & sanguinem purificare, & equos pinguefacere *Transact. Philosoph. Nr. 39.* Testatur etiam HUNDERTMARK, antimonii crudi in curanda arthritide, si corpus bene præparatum fuerit, stupendam quandam, & quam vix quis nisi ipse expertus, crederet, esse vim atque efficaciam, præcipue, si id cum calce certa quadam coniunxeris, eiusdemque per aliquod tempus continuaveris usum; sed cur arcanus? Adhæc innocuum BOERHAAVE, HOFFMANN, dicunt, etiam drachmæ unius pondere pro dosi HUXHAM. Arsenicale antimonio principium inesse, eius virulentiam inde dependere, demonstratione asserentibus probandum.

Est tamen ubi summæ virulentæ effectus edit, acido in primis viis stabulante solutum, unde ex prudentia

tia

tia minimam dosim, eamque adhuc triplo aut quadruplo absorbentium pondere temperatam, primo præscribendam PARISIENSES contendunt, experimento & periculo Cl. MALOUIN, qui antimonii crudi in vino digesti solutione austera, degustata vexatus fuit. Præscribitur etiam absque absorbentibus cum aliis; ita minimis dosibus cum cortice Winterano feliciter datur, COHAUSEN.

Solvaturne in aquosis, multa disputatio. Principia desunt, & nescio an surrogata in decoctis præscribentium satis fida observatio? Sed compulsis experimentis, veritas patebit: In decocto exhibendi antimonii crudi modum experimento improbavit MENGHINI in *Comment. Instit. & Acad. Bonon.* T. II. P. II. aqua enim ad tertiæ partis consumptionem cum antimonio cocta tantum paucillum terræ calcareæ, nihil sulphuris continebat. Aqua solvit nihil, solvit nihil spiritus, HUXHAM. Saponacea plantarum aciditas in ambo principia agit, & levem tartarum emeticum extrahit, IDEM, etiam aqua pluvia, tum fluviatilis, in calore moderato digestionis, cum antimonio lactescit, & sulphur sapit, IDEM. Sic quæstio iudicata est. Quid? quod cum aqua diu tritum, agitatum antimonium, sallem dederit acidum, *Chymie Hydraulique*.

USUS MEDICUS a minima dosi incipiendum præcipit, grana exhibens tria, quatuor, ad decem, viginti, cum lapidum cancrorum scrupulo, drachina seminis: Valet in scabie, gonorrhœa, arthritide, morbis saturninis &c. in petia ligatum suspenditur in decoctis antivenereis, HOFFMANN.

PRÆ.

PRÆPARATIONES.

ANTIMONII VITRUM, antimonii calcinati cinis est, in vitrum fusus, vehementissimum emeticum, quod cum vino digestum aqua benedicta RULANDI audit, addito saccharo inspissatum syrupus emeticus ANGELI SALÆ. Aquæ huius benedictæ dosis a drachma una, duabus, ad unciam semis. Est eadem syrapi.

Hoc vitrum antimonii hyacinthinum colorem a sulphure habet, quem in foco speculi ustorii calcinatum perdit, & innocuum evadit antimonium diaphoreticum HUXHAM. Tum ex vitri antimonii pulvere, cum oleo vitrioli fumante & aceto frigore concentrato, acetum lithargyrii, quod alteri compositioni ex sulphure aurato antimonii, primæ, & secundæ præcipitationis, cum oleo papaveris ad sufficientem solutionem cocto, separatis, cum emplastro diapompholigos mixtis, unguentum nutritum confecit cancerosis utile *Cl. IACOBI Nov. Act. Acad. N. C. Vol. I. Cicuta extractum simplicius est.*

ANTIMONII VITRUM CERATUM, paratur, dum ceræ flavæ drachmæ unī in cochleari ferreo fusæ uncia una vitri Antimonii in pulverem tenuissimum redacti, additur, & totum leni igne liquatur, & spatula continuo actum per semi horam in pulverem tabacæ hispanicæ æmulum redigitur. In operatione nec ad ignis gradum attendendum, nec ad tempus respiciendum esse YOUNG, non bene.

USUS MEDICUS in dysenteris omnibus specificus, omni ætati, conditioni, etiam prægnantibus, & pueris utilis: lactantibus, dosis granum semis, trium,
aut

aut quatuor annorum pueris, grana duo, tria, *Society of Edimburgh*, infantibus grana quatuor, adultis quinque ad decem, duodecim *ibidem*. Sed lactantibus, & aliis infantibus, cum circumspeditione exhibendum, hi enim acido sæpius laborant. Difficile etiam admodum in aliis rectum doseos punctum assequi, PRINGLE edixit. Effectus violentos, & caute las lege in *Actis Edimburg*. Ignorari vero non debet lapidum cancrorum pulverem huic additum violentos effectus plerumque præcavere, licque tutissime in dysenteria exhiberi, nilque duarum triumve horarum spatio superpotandum esse, esse etiam ab omnibus acidis maxime abstinendum, hinc etiam admodum male cum oximelle dari, brevi nauseas, vomitum facturum non criticum.

In officinis asservatum de novo haud terendum, HUXHAM, nec cum aliis multum comminuendum, IDEM. Saccharo tamen, quod constanter admiscet, vim antimonii temperari, suspicatur Cl. BASTER *Comment. Societ. Scient. Harlemens.* p. II. In aliis morbis adhuc varii varie laudant, ad omnes alias evacuationes GMELIN, in hæmorrhagiis quibuscunque GEOFFROY *Acad. des Sciences* 1745. in colica PICTONUM IDEM. Nuperrime etiam in epilepsia, & mania tentatum, cum successu quinquaginta vicibus exhibitum, *Gentleman's Magazine*, & quinque granorum dosim catharri suffocativi paroxysmum sustulisse observavit *Illustr. BUCHNERUS dissert. inaugur. de viribus vitri antim. cerati* 1757.

ANTIMONII REGULUS ex antimonio, vel per se sola fusione, vel salibus fusoriis additis factus, duplex, prior ex sola præparatione nomen habet, alter

ter a figura stellatus audit. Uterque potenter emeticus, aceto adhuc aëtuandus. Fiunt ex aliis antimonio additis, reguli alii: addita limatura ferri cum nitro martialis, flanni cum nitro iovialis, & his commixtis regulus metallorum, adiecto vero sale communi cum sale tartari medicinalis, vix certæ omnes efficaciz. Regulus martialis de marte habens nihil, edulcoratus diaphoreticum martiale LUDOVICI audit, haud prioribus præstantius. Similem proponit Cl. HUXHAM, ex antimonii puri partibus duabus, limaturæ ferri parte una, nitri puri parte fere una; scorias pulveratas edulcoratas efficaces habet in fluore albo & leucophlegmatia.

ANTIMONII HEPAR ex antimonii crudi, & nitri anaticis portionibus per detonationem exurgit. Hoc hepar edulcoratum, siccatum, CROCUS METALLORUM, seu terra sancta RULANDI, audit, non semper bene præparata, ut tuto exhiberi possit; hinc in tanta præparatorum antimonialium incertitudine, longa edoctus praxi vinum emeticum ex puro elicatum vitro præfert HUXHAM, quod sequenti modo faciendum suadet: Bene præparati vitri antimonii uncia una pulverata, infundatur libris duabus boni vini Hispanici albi calidi, digerantur decem, duodecim diebus, interdum concutiantur, ultimis diebus subsidentibus partibus, decantetur vinum, per chartam emporeticam coletur, vase clauso fervetur. Dosis pro infantibus unius, duorum annorum, a guttis decem ad triginta, pro adultis uncia semis, una, ad duas, scopo vomitorio; alterante vero, aperiente, & sudorifero, adultis a guttis triginta, quadraginta, ad sexaginta in fero lactis, potu theiformi, idque bis vel ter de die in morbis cutaneis, intestinorum, viarum urinæ, &

Crantz M.M. T. III. G ner-

nervorum, præcipue in scorbuto frigido, asthma, leucophlegmatia, ictero, cephalalgis rebellibus, vertigine, epilepsia, mania, febribus intermittentibus ter-giverfantibus, catarrhalibus, etiam inflammatoriis, pulmonum suppressis sputis, felici cum successu sæpius exhibuit Anglorum Æsculapius. Reiterata Viennæ experimenta sunt, infusione facta in vino Tocaviensi, scopo alterante guttæ sex datæ, & hæc satis efficaces inventæ: nonne in vinis est differentia? etiam vis emetica increfcit pro tempore, quo infusio potrahitur, BRADLEY a *Course upon the Materia Medica.*

ANTIMONIUM DIAPHORETICUM

detonante tripla parte nitri supra unam antimonii produ-citur. Vera reguli antimonii calx nitro facta, & nitroso sale imprægnata, quæ si non abluitur, edulco-ratur, stibium diaphoreticum, non ablutum audit, sin- contra, antimonium diaphoreticum, non abluto igna-vius longe, quod lixivium evaporationi, & crysfalli-fationi traditum, præter alia manifestius docet, cum crysfallos suppeditet nomine nitri antimoniatum notas: Ne ideo tamen omnimode effœtum, quod acido nitri sale adhuc dives inveniatur, atque id ipsum clarius hu-ius cum duabus saponis nigri partibus detonatio, flammaque *Acad. des Sciences*, auctum compositi post edul-corationem pondus, MEUDER, tum ex instillato vi-trioli oleo rubri vapores Cl. VOGEL, declarant, observationes etiam practicæ confirmant. An ab aere arcendum antimonium diaphoreticum? qui vim eme-ticam illi conciliare perhibetur, BRADLEY a *Course of lectures upon the Materia Medica*, rara obser-vatio!

Antimonium diaphoreticum purgantibus mixtum, sensibiliter horum vires acuit, manifesto in pulvere cornachini argumento, BOERHAAVE, absorbens est IDEM, & diaphoreticum: dosis a granis decem ad quadraginta. Stibium diaphoreticum non ablutum incidens, expectorans, in glutine pulmonum utile, & in morbis cutaneis non spernendum. Dosis a granis decem ad triginta, etiam maior.

ANTIMONII AETHIOPS *Cl. HUXHAM* fit ex crudi antimonii tenuissime pulverisati tribus partibus, depurati argenti vivi quatuor, & florum sulphuris partibus duabus, in tenerrimum pulverem commixtis; laudatur in morbis cutaneis, obstructis colligandulis, defluxionibus. Dosis est a granis decem ad quadraginta.

TARTARUS EMETICUS diversis in locis ex diversis antimonii præparatis confectus, ex croco metallorum, & cremore tartari apud nos, operatione non in integrum probata, quod adhuc calidus liquor filtratur, & ad crystallisationem reponatur, paratur. Cæterum ope cremoris tartari, & croci metallorum paratum, optimum putat *Cl. ESTEVE* in *Quæstione IV. pro vacante cathedra Monspeliensi*, sed solum ad siccitatem evaporandum, non vero crystallifandum, quod imbecillior longe fiat, suadet IDEM. Sed etiam non crystallifatus in aere quandoque humescere solet, quod non leve incommodum.

Reguli in diversis tartaris emeticis quantitatem resuscitatione docuit in *Acad. des Sciences* GEOFFROY. Tartari emetici debilissimæ virtutis unciam unam, reguli drachmam unam, & grana octodecim, mediæ

virtutis drachmam unam cum semisse, maximæ drachmas duas, & grana decem continuisse visum, ut regulinæ partis in tartaro emetico dosis patefeat.

Sed adhuc alia operationis momenta ignorari non debent; vitrum antimonii in pulverem impalpabilem redactum abundantius solvi grossiori, BAUME *Journal de Medecine &c. Avril 1761.* libras duas cremoris tartari solvere ex anatico pondere impalpabilis pulveris vitri antimonii, uncias viginti tres & drachmas sex, & suppeditare uncias tres sulphuris aurati, IDEM. Longa nimis ebullitione tartarum emeticum inertiores reddi, HOFFMANNUS: Tartarum emeticum ebullitione antimonii crudi cum cremore tartari tentari posse, & sic confectum debilem admodum esse, GEOFFROY, in vase ferreo excoctum deliquescere, vix crystallisari, contra vero in vase argenteo, BAUME; anaticas partes cremoris tartari & vitri antimonii aquam viridem efficere, deficiente una citrinam fieri, IDEM. Nostratibus dosis granum unum ad tria per se, actuatorum aliorum causa granum semis, unum, adjicitur.

SULPHUR AURATUM ANTIMONII, nihil aliud est, quam sulphur antimonii alcali solutum, acido præcipitatum, regulo dives, idque obtinetur detonatione hepatis antimonii ex nitri, & antimonii æqualibus partibus conflati, vel scoriarum flavescensium reguli antimonii simplicis coctione, & præcipitatione per acetum, & id quidem sulphur antimonii auratum primæ præcipitationis vocant; dum vero denuo instillato aceto demittitur pulvis, is præcipitationis secundæ, & sic porro habetur.

Primæ,

Primæ, & secundæ præcipitationis sulphur auratum, violenter emeticum, tertiæ vero mitissimum, deprædicant in catarrho suffocativo præstantissimum, licet tamen etiam primæ præcipitationis tale confecerit ex regulo, nec vomitorium, nec purgans BRENDelius, & huius quidem encheiresis cardo in eo verti dicitur, ut ad confectionem reguli antimonii parva nitri quantitas sumatur, prioribus rebus non commisceatur, sed his superinjiciatur. Repetenda experimenta sunt, & quærenda inventorum ratio.

Cæterum virtus sulphuris antimonii aurati antivene-rea probata in *Ephemeric. Acad. N. C.* KLAUNIG, & sulphur antimonii auratum ultimæ præcipitationis multum UNZERUS *Biblioth. Raison.* in catarrho suffocativo, in spasmodicis, convulsionibus, hypochondriacorum hystericarum, in tussi infantum, in febribus intermittentibus laudat.

Ex sulphure aurato antimonii, & calomel multoties sublimato alterantem suam pulverem in porriginè capitis, aliis morbis cutaneis, faciei, bubonibus, gonorrhœa, gran: quindecim de die partitis dosibus utilem, componit *Clar. PLUMMER Society of Edinburg. T. I.* in ischiade pertinaci, & morbis ex impuris, & viscidis humoribus *Nova Acta Acad. N. C. Vol. V.* laudant; non minoribus ornatur encomiis a *Cl. WERLHOFF* in *Act. Medic. Edinburg. Specimenibus duobus, Hanoveranae 1735.* sed minori dosi dandum monet, a grano uno ad tria pro dosi, continuato per plures hebdomades usu, additis etiam pro re nata aliis, siquidem maiorem sulphuris antimonii dosim facile vomitum, calomelitis continuati salivam ciere dudum expertus sit; adhæc iam *Illustriss. HU-*

GONEM tineam chronicam, achores, scrophulas, simili medicamento ex succino, exigua dosi mercurii dulcis, & sulphure antimonii GLAUBERI, curasse, ita etiam martialia cum sulphure antimonii miscuisse HOFFMANNUM, & auctam horum efficaciam in morbis chronicis adinvenisse, *Dissert. Epistolari Actis nexa* p. 26. monet IDEM.

SULPHUR AURATUM ANTIMONII liquidum in *Actis Acad. Mogunt.* T. I. præparatum est, quod in leproso profuisse dicitur.

KERMES MINERALE alias etiam pulvis carthusianorum, est sulphur antimonii auratum, alcali solutum, sola ebullitione paratum, sulphuri aurato antimonii simile, licet alia operatione paratum, HUXHAM: obtinetur, si antimonii crudi una pars, olei tartari p. d. una quarta, & duplum aquæ pluvix per duas horas ebulliant, filtrentur, & de novo eadem quantitas aquæ & nitri fixi addatur, GEOFFROY *Acad. des Sciences.* Totum antimonium fere in kermes redigi potest, IDEM, & post septuaginta octo vices adhuc extraxit IDEM, quod etiam repetens experimentum *Illustr. L. B. van SWIETEN*, ad finem demum perducere non potuit ita, ut nullum amplius kermes obtineret, ut ex facili in *Quæstione VI. pro Cathedra Medica Monspeliensi vacante: an tota substantia Antimonii in Kermes Minerale verti possit?* affirmet *Clar. ESTEVE*. Drachma una sic præparati, & edulcorati kermes mineralis continuit sedecim, septemdecim grana reguli, tredecim, quatuordecim grana falis alcalini, quadraginta, & quadraginta unum sulphuris communis, in experimento *Cl. GEOFFROY Acad. des Sciences.* Maiori quantitate reguli imprægnatum, violentius emeticum,

ticum, coctione rectificandum in phiala ampla,
nova aquæ, & olei tartari per deliquitum dosi,
IDEM; potest etiam kermes minerale fusione parari,
IDEM.

USUS MEDICUS in glutinosis, pituitosis, pul-
monum affectibus, universalis, in pleuritide, peripneu-
monia ubi aut lentius sputa procedunt, aut suppressa
sunt, in tussi ferina infantum cum spermate ceti exi-
mius, in morbis cutaneis, aliisque ex emunctoriorum
obstructione ortis, in ipsis febribus autumnalibus, chro-
nicis, HOFFMANNUS, sunt, qui etiam in epilepsia,
& spasmodicis affectibus, vel a glutinoso, vel a dys-
crasia sanguinis exortis, plurimum deprædicent: In-
fantibus granum unum cum lapidum cancerorum scrupu-
lo uno, in tres doses dividitur, etiam mellis uncia se-
mi immiscetur, & de die propinatur: pueris eadem
dosis bis de die datur. A granis duobus ad quatuor
conceditur adultis, & diei naturalis spatium triginta sex
grana pleuritico dedit LEMERY filius: si vero ker-
mes nauseas facit, oleosis, anodynis, balsamicis tem-
peratur, quibus semper maritandus, HUXHAM. Sco-
po autem diaphoretico in morbis cutaneis omnium
optime in vehiculo calido theiformi matutino tempore
datur, HOFFMANNUS.

Verum adhuc scire iuvat a minori semper dosi inci-
piendum; variat enim multum medicamentum pro va-
ria præparatione, HUXHAM, abstinendum ab acidis
decoctis, vel acescentibus, IDEM. Kermes mineralis
drachmam unam cum farinæ liquiritiæ viridis optimæ
drachmis sex, exacte miscet, & hunc pulverem grano-
rum viginti, ad viginti quinque dosi, omni trihorio,

G 4

aut

aut quadrihorio exhibet, & laudat in *Comment. Societ. Scient. Harlemens.* p. II. *Cl. BASTER.*

TINCTURÆ ANTIMONII variæ diversis in officinis usitatæ, nobis illa *ZWOELFFERI* solum habetur.

FLORES ANTIMONII cum sale ammoniaco factos, in potu aquæ simplicis, per intervalla adhibito nitro antimoniato cum radice hellebori nigri, rabiosos plurimos sanare, *STEURLINUS Ephemerid. N. C. Cent. I. Observ. 84.*



CLAS-

CLASSIS SEXTA
V E N E N O R U M
M E C H A N I C O R U M.

Quæ acutis suis superficiebus solutionem continuam efficiunt, partesque destruunt, venena mechanica dicuntur.

ADAMAS *Offic. Mineralogiae* W. Classis Naturalis Lapidum, Ordo Gemmarum. *Germ.* Demant. *Gallis* Diamant. *Anglis* Diamand.

Nullis remediis emendari rigidissimum hoc venenum posse, quod THEOPHRASTUM PARACELSUM e medio sustulit, discipuli asserunt; primum quidem verum, posterius forte dubium censeripotest. Alia exempla haud exstant.

ALUMEN PLUMOSUM.

CRYSTALLUS MONTANA *Offic. Mineralogiae* W. Classis Naturalis Lapidum. Ordo Gemmarum. *Germ.* Bergkrystal. *Gallis* Crystale de roche. *Anglis* Crystal.

Grossiuscule contrita vulnerat, in pollinem redacta innocua est, MONTI proprio experimento; preparata